

口僧也。

〔日本紀略十一條〕長保三年五月廿九日庚子、於十二門有轉讀大般若經事、依疾疫也、閏十二月廿九日丙申、始自去冬、至于今年七月、天下疫死大盛、道路死骸不知其數、況於斂葬之輩、不知幾万人、

〔日本紀略三十二條〕長和四年三月廿七日丁未、天下咳病、又疫癘屢發、死者多矣、五月十五日甲午、臨時如法仁王會、依天下疫疾也、廿六日乙巳、詔大赦天下、依例○例天皇不豫、并人間疾疫也、右少辨資

業作詔書、六月廿日戊辰、依疫神託宣、立神殿奉崇重也、廿三日辛未、臨時仁王會、依疾疫也、

〔小右記〕長和四年六月十一日己未、近日疫死者、不可計盡、路頭死骸連々不絕、五位已上及十餘人、亦病輩多有其聞、自賤及貴歟、

〔類聚符宣抄三〕左弁官下綱所

應令十五大寺延曆寺轉讀仁王般若經、攘除災癘事

東大寺卅口 興福寺卅口 藥師寺卅口 元興寺廿五口 大安寺廿五口

西大寺十五口 法隆寺十五口 法華寺十五口 新藥師寺十五口 本元興寺十五口

招提寺十五口 東寺廿口 西寺廿口 四天王寺十五口 崇福寺十五口

延曆寺六十口

右權大納言源朝臣俊賢宣、奉勅、迺者都鄙之間、疫癘滋蔓、雖致種々之祈禱、彌聞元々之死殤、欲賴仁王之威神、以助万民之危命、般若海中、竟不死之良藥、實智山上、傳長生之秘方、仍於件寺々、始從今月廿九日申二點、五箇日間、每寺擇智行兼備之僧、轉讀件經王、消攘彼疫癘、但其供料用本寺物者、綱所承知、依宣行之事、緣攘災、不得緩怠、

寬仁元年五月廿五日

少史酒人

少弁源朝臣